

IMAK
Sdr. Herrnhutvej 23
Postboks 867
3900 Nuuk

IMAK Sinniisoqarfik 200

Ilinniartitsisutut inuuniuteqarneq.

Ilinniartitsisup sapinngisani tamaat Meeqqat Atuarfiata siunertaa, atuartitsinerullu anguniagai naammassiniassavai. Siunertat, atuartitsinermi anguniaakkat tunngaviilu inatsisit atuuttut tunngavigalugit aalajangiunneqartut ilinniartitsisumit malinneqassapput. Kisiannili inatsisit nassuiarneqartuarta-qarput aammalu piuasanut naleqqussarneqartariaqartuarpur, taamaattumik annertuumik piusarineqarpoq ilinniartitsisup suliassaminut pikkorissuunissaa naliliisinaanissaalu. Taamaattumik ilinniartitsisup imaaliillaannaq najoqqutassat aalajangersukkat malissinaanngilai, kisiannili tamatigut nammineerluni illersorneqarsinnaasumik atuartitsinini najoqqutassat malillillugit naammassiniartussaavaa.

I

Ilinniartitsisup atuartitsisutut, siunnersuisutut ilitsersuisutullu angerlarsimaf-fiup suleqatigineratigut atuartut ataasiakkaat naleqartumik inerinnissaat inuttullu ineriartornissaat anguniassavaa.

Ilinniartitsisup anguniassavaa atuartup atuarfimmi naammassiguni inuttut toqqissisimasutut tatisimaneqanngitsumik isummersinnaasutut, qaammaasaqartutut akisussaassuseqartutullu atuarfik qimassagaa, ilikkagassanik pisinnaasanillu tamanik pissarsitissallugu inuunermini atorsinnaasaanik.

Ilinniartitsisup atuartut ataasiakkaat ineriartornissaat siunertatut isigissavaa, sapinngisamillu atuartitsinini atuartup piginnaasai pisariaqartitaalu malillugit aqquissuutissallugu.

Ilinniartitsisup atuartullu akunnerminni tatiginartumik, naligiittumik ataqpeqatigiittumillu pissuseqarnissartik anguniassavaa. Ilinniartitsisup atuartoq isumassussavaa, ammaffigalugu tusaaniarlugu, taamaalilluni atuartup ilinniartitsisoq pisariaqartitsinermini tatigalugu saaffigisinaananiassammagu.

Ilinniartitsisup sapinngisamik atuarfimmi ingerlatsinini sulininilu imatut sinaakkuserussavaa, atuartoq imminut naleqartinnerminik, imminullu tatiginerminik kiisalu suleqateqarsinnaassuseqarnermik, akisussaassuseqarnerminik inunnullu allanut ataqqinnerminik ineriartortitsisinaanalersillugu.

Ilinniartitsisup tamatigut atuartup nammineq piginnaasaminik periarfissaminillu imminut tatiginera nakusassassavaa, aammattaq atuartup angusaanik killiffianillu naliliinermini.

Ilinniartitsisup kikkut tamaasa oqaasissaqaqataatillugit inooriaaseqarneq aamma inuunnaat naalakkersueqataaneranni tunngasut pingaartitallu atuartumut ilinniartitsissutigalugillu sungiusartissavai. Atuartut inuttut, inuiaqatigiinnilu inooqataasusut pissuserissumik ineriartornissaat ilinniartitsisup tapersersussavai, taamaalilluni atuartut tamarmik inuunertik pillugu aamma inuiaqatigiinni inoo-

qataanerminni sunniuteqaqataanissaminnut tunngavissaqaqqullugit.

tunngaviusumik sanaannik, aaqqissuussaanerannik kiisalu inuinnaat naalakkersueqataanerannik pimoorussilluni ilinniartitseqataaffigissavai.

Matumani ilinniartitsisup akisussaaffia tassaginnanngilaq paasisimasanik ilisimasanillu paasissutissiineq, kisiannili aammattaaq tassaassalluni inuiaqatigiittut inuunermi pingaartitanik tunngaviusunik pimoorussilluarneq.

Ilinniartitsisup ilinniartitsinermini kikkut tamarmik oqaasissaqaqataaneranni tunngaviumik pingaartitat nassuiaatigalugillu ingerlatissavai, soorlu naligiinneq, inoqatinut ataqqinninneq, matumani apeqqutaatinnagu ammip qalipaataa, inuiaqatigiinnut kikkunnut ilaaneq aamma upperisaq kiisalu inoqatitsinnut tamatta akisussaaffeqarnerput. Kikkut tamaasa oqaasissaqaqataatillugit inooriaaseqarnermik atuartunik ilinniartitsinermini ilinniartitsisup atuartut piginnaasaat piumassusillu aallaavigalugit pimoorussisinaanissaannut kajumissaartuassavai.

Ilinniartitsisup peqataaffigissavaa kikkut tamarmik oqartussaaqataanerannik eqqarsariaaseqarnermik atuartut ilisimasaasa ineriartortinneqarnissaat paasisimasaqalernissaallu, aamma oqartussaaqataanerminnik pisussaaffimminnillu ilisimaarinnilernissaat kiisalu inuiaqatigiinni ineriartortuurtuni akisussaaffeqarnermi8k paasinninnissaat.

Meeqqat atuarfiaat taassaavoq- kikkunnut tamanut atuarfittut-inuiaqatigiinni kikkut tamat oqartussaaqataanerannut pingaarutilimmik tunngaviliisusaaq. Taamaattumik ilinniartitsisup suliassaraa atuartut tamarmik misigisimassaut ataatsimoortunut ilaallutik, taakkunanilu ataatsimoortuni ilisimasassat, ilikkagassat, isummat pissusilersornerillu kikkut tamarmik inissaqarnerannut ilapittuutaasusaapput. Kikkut tamat oqartussaaqataanerat pillugu oqaloqatigiinneq tunngavissinniarlugu ilinniartitsisup sulisutigissavaa kikkut tamarmik assigiimmik ilisimasassanik pissarsinissaat kiisalu tunngaviusumik periaatsinik kikkut tamat oqartussaaqataanerat malillugu inuunissamut aallaavissanik pissarsinissaat.

Ilinniartitsisup meeraq qitiutissavaa.

Ilinniartitsisup anguniartuassavaa atuartut tamarmik ataasiakkaarlutik inuttut nammineq periarfissatik aallaavigalugit, aamma allat pisariaqartitaannut ataqqinnillutik, ineriartornerminni sapinngisamik annerpaamik angusaqarnissaat.

Ilinniartitsisup ilinniarnermi avatangiisit pitsaasut toqqissisimanartullu pitsanngorsarniartuassavai, taamaallilluni tapersorsorneqassammata atuartut ataasiakkaat namminersorlutik eqqarsarnissaat aamma isornartorsiuisinnaanissaat isummaminnik misigisutsiminnillu anisitsisinnaanissaat kiisalu anguniagaqartuullutik, allanngornermut naleqqussarsinnaallutik, pimoorussisinnaallutik nutaaliorsinnaallutillu.

Ilinniartitsisup anguniassavaa atuartut akunnerminni pissusilersornerminni aallaavigissamatigit naligiinneq, akaareqatigiinneq kiisalu ataqqeqatigiinneq.

IV

Ilinniartitsisoq angajoqqaanik atuartunillu pitsaasumik tatiginartumillu suleqatiginnissaaq, atuartup ineriartornerani, atuartitaanerani-lu ataatsimoorussamik akisussaaffiup iluani pitsaasumik suleqatigiinnissaaq anguniarlugu.

Ilinniartitsisup angerlarsimaffik qanimut piumasaqaatitalimmillu suleqatigiinnissamik neqeorrofigissavaa, aalajangiusimallugu angajoqqaat, atuartuq aamma ilinniartitsisoq akisussaaqataammata atuartut ataasiakkaat ineriartornerannut. Atuartup atuarfimmil toqqissisimanissaa anguniarlugu ilinniartitsisoq piareersimajuartassaaq angerlarsimaffimmut oqaloqateqarnissaminut, siunnersuinissaminut pisariqarfiatigullu ikiunissaminut. Aamma taamatut angajoqqaat pissuseqassapput atuartup angerlarsimaffimmi toqqissisimanissaa pillugu.

Ilinniartitsisup meeqqamut pitsaanerusoq anguniarlugu nassuiaatiginiakkani meeqqamut tunngasut, tunngavilersuutitalerlugit angerlarsimaffimmut saqqummiuttassavai. Taamatullu aamma ilinniartitsisoq angerlarsimaffiup kissaatigisaannut tusaaniartuullunilu ammasuussaaq.

Ilinniartitsisoq sapinngisani tamaat angajoqqaat paasinninnerannut kissaatigisaannululu tusaaniartuullunilu akuersaartumik pissuseqartassaaq, kisianni piumasaqaatit akisussaanermut tunngasut aalajangiusimajuartassavai nammineq naliliinini tunngavilugulu tamanna atuartumut pitsaaneruppat.

Ilinniartitsisup sulinermi inatsisit suullunniit atuuttut malitassarai tamatigullu atuartumut pitsaanerusussat aallaavigiuartassallugit. Ilinniartitsisoq pisussaataavoq Pissutsinik atuartumut tunngasunik angerlarsimaffinnut ilisimatitsiuarnissaminut, ujjartortuassallugulu angerlarsimaffiit atuartitsinermit anguniagassanut atuartitsinermilu atortussanut akuersaarnissaat paasinninnissaallu.

V

Ilinniartitsisoq piumassuseqassaaq ineriartortuarnissaminut, inuttut atugarisanut soqutiginnilluni inuunermullu tunngasunik apeqqutinut malinnaassaaq taamatullu inuiaqatigiinni kulturimullu tunngassutillinni peqataassalluni.

saannut ilinniartitsisup akisussaaaffini naammassisinnaassagunigit, ilinniartitsisoq inuttut qaammaasaqarnermigullu ineriartortuartaqarpoq, taamaattumillu pitsaasumik saqqummertarnissani anguniarlugu inuiaqatigiit nalinginnaasumik atugarisaannut, kulturimullu tunngassuteqartuni malinnaasariaqarpoq taamaasiornermigut atuartitsinermini, katerisimaarnerni atuarfimmilu oqaloqatiginninnermini pitsaasumikoqariartuuteqarnissaminut imminut periarfississalluni.

Ilinniartitsisup anguniartuartaqarpaa atuartitaminut takutissalluni inuttut paasimasalittut peqataasutullu, eqqarsarnissamat isummersoqatigiinnissamullu. Taamaattumik ilinniartitsisup isumagissavaa atuartitsinerup toqqissisimasumik naqisimaneqangitsumillu ingerlanissaa, taamaasillutik atuartut periarfissineqassammata nammineq isumartik mallillugu toqqissisimallutik isummaminnik saqqummiinissaminut, taamatullu atuartut periarfissaannik tunissallugit kulturip assigiinngitsutigut inuup inuuneranut sunniutigisartaannut, isumaannut pingaarutaannullu misissuinissaannut. Ilinniartitsisup atuartitsinermini tunngavigigajuttarpaa nammineq isumaliortaasitoq qani atuartitsinerminilu misilittakkani, taamaattumik ilinniartitsisoq pisussaavoq allanngornernut nutarsaanernut peqataassalluni, ataavartumillu ilinniakkatigut ilinniartitsisutullu ineriartornissani isumagiuassallugu.

Ilinniartitsisup ilinniartitsisutut nammineq naleqassutsi pissutsinillu pillugit paasinerunissani pillugit nammineq suliarissavaa eqqarsaqqisaarmigut, suleqatit akornanni isumasioqatigiinnikkut, kiisalu ilinniaqqinnikkut, taamaasiornermigullu periarfissaqarfigissavaa perorsaanermut tunngasut piginnaassuseqarfigeriikkani ilisimariikkani-lu ataavartissallugit ineriartortittuassallugillu.

Ilinniartitsisup suliassani pingaarutilinni tamani nammineq akisussaaffigimmagit, ilinniartitsisup inuttut akisussaaffini ilsimaariuartariaqarpaa, inunntut pineqartunut akisussaassuseqarfeqarluni.

Ilinniartitsisup tamatigut anguniakkani/angusassani, ilinniartitseriaatsini, nalilikkani pingaarnersiutinilu nassuiarsinnaassalugit piareersimasariaqarpai, ammaffigisariaqarlugulu periarfissatigut allatigut suliame pitsaassussaata nassuiaassallugit.

Taamaakkaluartoq ilinniartitsisup atuartitseriaatsit sorliit atussallugit nammineq aalajanngersinnaanermut kiffaannngissutsini illersussavaa, atuartitsinerup aaqqissuuneranut ingerlanneqarneralu tungatillugit, sapinngisamillu nammineq atuartitsinini nalilersortuarterlugulu tulluarsartuarterassavaa.

Ilinniartitsisup tatiginassutsini, namminersornini imminersorninilu atuartitsisutut, meeqqanut inuusuttunullu siunnersortitut ilitsersuisutullu illersortuassavaa.

Ilinniartitsisup sunniiniarnerit suulluunniit atuartut ineriartornissaanut akornutaasinnaasorisani peqataaffigisanngilai.

Ilinniartitsisup ilinniartitsinermini paasissutissat, atuartitsinermini atortussat, il.il., tamatigut naliliinini malillugu ilumoortuussutsumut, tamatigoortuussusermut, inunnillu inoqatiminut ataqqinninnermut, apeqqutaatinnagu angutaaneri arnaaneri, sumiuuneri, ammip qalipaataa upperisarlu, naapertuutinngitsut akuerisanngilai.

VI

Ilinniartitsisup atuarfimmi suleqataassutut pisussaaffini akisussaaffinilu isumagiunassavai, aamma atuarfimmini pingaartitat piviusunngornissaat akisussaaffeqataaffiginiassavai.

Ilinniartitsisup suleqatini suleqatigiussavai, suleqatigiinnikkut naligiimmik (imminut ataqqinninnikkut) tatigeqqatigiittumillu suleqataassaaq, suleqatinilu ataatsimut faginut perorsaanermullu tungassunik nalilersuineq ineriartortitsinerlu akisussaaffilimmik suleqataaffiginiassallugu.

Ilinniartitsisup *demokrati tungavigalugu pissussilersoriaaseq aqutseriaaserlu* ulluinnarni atuarfimmut ilisarnaataasut pissussilersornermigut sulinniutigissavaa, taamaalilluni atuarfiata siunertaa pingaartitaalu anguniarneqassammata.

Ilinniartitsisup pisinnaatitaaffini pisussaataitaaffinilu atorlugit isummani pisortaminut saqqummiutissavai, aamma aklerliinnerni isummani saqqummiuttassavai, aaqqiinniarnermilu suleqataassalluni atuarfimmi ataatsimiititaliat atuuttut aqqutigalugit. Saaffigisat qisuarianngippata ilinniartitsisoq tamanut ammasumik ajornartorsiutinik equngassutinillu atuarfimmi pisunik uparuartuisassaaq.

Ilinniartitsisoq suleqatiminik atuartuutitik kiisalu atuartitsinermut ataatsimut ingerlatat pillugit sapinngisamik qanimut suleqatigiissapput.

Ilinniartitsisup suleqatiminik attaveqarluarneq atorluarlugu atuartitsinini suleqatiminut nassuiartassavaa nalilersortarlugulu, taamatullu suleqatini ikiortarlugit, kiisalu projektit faginut perorsaanermullu tungasut ajunngitsumik naammassinnissaanut suleqataasaaq. Ilinniartitsisoq siunnersuisassaaq *ilinniartitsisuulluarnermut* apeqqutit pillugit, akuerisariaqarpaalu akisussaaffik immikkut ittoq suleqatini ilinniartitsisunngorlaat siunersussallugit ikiussallugillu.

Ilinniartitsisup oqaaseqartarnermikkut iliuitsimikkullu suleqatiminut, pisortaminut angajoqqaanullu ataqqinnini ersersittassavaa. Taamaattumik ilinniartitsisoq atuartut, suleqatit allat, pisortat angajoqqaalluunniit tusaatillugit suleqat nikanarsarlugu iliuseqarnanilu oqaaseqassanngilaq.